

Eusereine chönnt das au

Wed es Auto wotsch ga chaufe, muesch doch gar nid so wit laufe
Mir im Tösstal händ das au

U wenn d'Achse muesch la schmiere, oder öppis repariere
Die im Tösstal chönnt das au

Wed uf d'Alpe wotsch ga jodle, oder Pischte abe rodle
Hie im Tösstal chasch das au

Wed e Chor suechs zum ga singe, muesch nid wit desumespringe
Dä findisch hie im Tösstal au

Wed es Wybli bruchsch zum schmuse, oder gar zum zäme pfuse
Hie im Tösstal find'sch es au

We di alti isch zum flueche, muesch nid lang desumesueche
Pfanne git's in Rikon au

Wes im Sommer nid tuet rägele, u du wet'sch dis Fudi bädele
Gasch i Töss das isch famös

We de höchi Zöll muesch zahle, will de Trump tuet dureknalle
Öis im Tösstal tuet's nid weh

Wenn du Amor wotsch besinge, muesch i's Oprehus nöd springe
bineuis trifft de Pfiil dich au.

Nur in Roma tönt's nach Cantus, Valle Tossa isch au Primus
Latin Lovers sind mir au.

S'höchi C wotsch du erreiche und dä Rescht grad au no preiche
Soprän, die chönnt das au.

Bisch no jung und singsch im Alt, machsch am beste bineuis halt
eusereins freut das bald.

Bisch du heimlich de Caruso, singsch bim Dusche do-mi-so
isch doch klar: TENORIO!!

Wenn du suechs nach tüüfe Tön, nur im Chäller tönsch du schön
S'hilft euses Bass-Gedröhn.